





原件短缺

晚起見雪

惜陰室主人

冬天未曉枕上作

訪江如僧廬山却寄

讀宗侯千里先生似陶館集

春日同黼調侄訪涂子期端木香山

到華山曉起見雪

與公望讀書華蓋

聽竹上雨聲

登金船峯

六月初三日 出山留別諸子

舟曉懷公望

聞鷄

題夢瀑 叁為安仁宗侯

乘翅歸里 飲涂仲嘉嘯園

贈別涂仲嘉

夏日

六月坐江觀其書 叁未見黃伯埴

讀涂仲嘉情詩

仲嘉客邸憶嘯園瑞蘭

遊中州有懷

同余岸少昆 垂相對道院之作

涂不疑不害招飲

寇平代作 合邑建醮文疏有賦

別陸夢文

歸舟對雪書與公安

寺門外看竹笋英英有懷端木

東曦侄相過有作書似東曦

作續經國十書成有賦

上元謠同涂仲嘉對雨

丙子秋日送涂子期北上

涂仲嘉約過望秋雨同涂不疑不害賦

賦別黃石齋師

和黃敬授來韻

翻書志喜時傳勦寇得勝

丙戌避亂山居

蛩聲吟夜風

小竹

萬物

小山

秋日同子期公望黼調泛湖西征之作

踏鐙

午露堂讀書同涂子期

上巳日同涂子期脩禊

蟻路

有所思行

七言古

宜春歌

桃花

臘月同包叔賢

元宵後一日同璩爾助

十月桃花歌

鬱金堂古意

池頭柳

東嶽別業古意

惜蘭

五言律

遊嘉和飲曾體元書室

又飲接龍亭

懷仙詞

贈李仁所

必大約同明日郊飲

觀梅後一日看迎春

贈涂約泉

揭君過訪并携所集

聞國喪有感

雙壽吟

羅曰常過訪有賦

賦別璩陟曦省親博平

看春行

季夏與璩陟曦看月

早春同江如僧舟行

又訊如僧

到家喜晴

立春贈林明府

舟行曉望

望湖

飛榭

春夜集劉安倩宅

舟中讀書

見芳草

立春前三日

同象賢公望黼調登蛟湖嶺

題黃尹公畫卷

元旦試筆

春日聽柳若歌期會重五

歸舟

歸舟望前舟

長晝倦爇

感時雜咏

七言律

王孫招遊會仙巖

遊從姑

別白古

題宗弟全心行樂圖

慰簡叔左遷

哭三君詞

鏡歌

早春同涂子期舟遊

元日立春

同涂子期

晴湖

臘月二十七日

正月初五

贈守虛道人

涂仲嘉嘯園看牡丹

九月同姪公安

壬午春日

舟中感時

癸未二月十六

閩旅菴難民圖志哀

喜內弟宋若至

看插苗

榴館初函集選

卷之九

黎陽楊思本因之著

晉安魏 憲惟度

西昌黎元寬博菴選評

盱江張世經孟常

門侄孫日升集虛編輯

侄孫日鼎太容較訂

四言古

山中觀雨

烟霧濛濛。雨落如許。竹葉低垂。風來欲舉。起視前山。渺無處所。

黎博菴曰六句卽六轉語又見少乎魏惟度曰渺無處所一片空濛是雨中真境不羨

一幅米家山也

酒醒得句

鷄聲亂唱。月色照床。游情復動。結想花光。

魏惟度曰末句可作千日想然說不出

有感

人世功名。漏箭沉升。一沉一升。時與之平。沉不爲辱。升不爲榮。君子觀此。何慮何營。

感事

凡事未來。須貴圖度。凡事已過。付諸流水。人事盡時。天心自見。人事未盡。亦徒爲爾。

又

物之成毀。本自有數。成毀未定。繇之乎人。兩地參天。

總皆人事。陽和一點。為天下春。

榴館初函集選

卷之九

黎陽楊思本因之著

晉安魏 憲惟度

西昌黎元寬博菴選評

盱江張世經孟常

門侄孫日升集虛編輯

侄孫日鼎太容較訂

五言古

自述

吾父生我時。稱十總逢二。吾母夢何奇。月捧麒麟至。
孩提學步時。恍惚尚能記。日就群兒嬉。志與群兒異。
聞吾舅氏言。入甥當拔萃。六歲就蒙師。經書不綽視。
村塢無全書。終日舊故事。聰明寄辭曲。批點時有意。
隔壁聽簫聲。宮商能自製。十五號成人。捉筆動文思。
帖括方一年。出應郡縣試。爲文頗敏捷。號嘍得名字。
尋學古文詞。便欲拔趙幟。時時露篇章。無人爲留意。
齊年甫二十。學業日已脩。上自盤古王。下迄今皇嗣。
賢愚炯目中。誰治誰不治。偏霸若無人。所戰輒不利。
三比爲九載。星流真隙駟。長歌多百篇。盡是離騷淚。
舉似徘徊人。辛酸一場戲。今爲郡諸生。箕冠良足喟。
大收數萬人。下筆風雨避。滄海尋遺珠。知己無相棄。
巷戰場屋中。草草可七義。論表願自豪。五花堪判示。
對策擬天人。一舉何難易。前途正悠悠。有具亦無累。
父母望泥金。兄翁占祥瑞。大噐洵晚成。行當展良驥。

魏惟度曰叙得詳明便見作家是有韻之文莫作詩讀

雪夜飲叔夏室

天氣尚苦寒。入春猶積雪。着屐遇故人。兩兩自心折。開緘出遺文。因之定殘缺。小蟬劈甌中。朗朗燭花徹。劇談未遽休。枯酒冷復熱。意氣共干霄。未許斯文絕。雖云添室憂。王澤豈云竭。勉矣二三人。一丘詎藏拙。

邂逅故人同飲

一望有寒意。梅花點朔風。過溪一嚼酒。復爾故人同。

苛禮既不設。清談時與窮。醉來各分手。絮別小橋東。

黎博菴曰末語入彭澤之室矣魏惟度曰絮字妙是醉後別故人光景

酒肆

酒逢三子飛觥少一人。憑君為招引。共此甕頭春。

兩人呼侶去。當筵我獨開。停杯還復酌。不見故人來。

黎博菴曰實興而來得無端讀之絕倒

遷居城中尊肆若弢有詩見贈小言奉答

結交二三人。差足謂知音。何為出城市。無乃非素心。

常記向子平。志在碧山岑。婚嫁未能畢。韜髮映華簪。
以我拙且愚。咄咄事相尋。思一了書債。未便息山陰。
俯念察稅才。大受非所任。逢年如可幸。聊為一開襟。
遊魚息深淵。飛鳥思舊林。因知招隱詩。鍾情寧獨今。

代劉公幹詠

楨辭旨巧妙。特為諸公子親愛。其後太子請
諸文學。酒酣坐歡。命夫人甄氏出拜坐中。象
人咸伏楨獨平視。曹公聞之。乃收楨。減死配

輪作部磨石

奇節樂放誕。禮數常翩翩。傲僻吾豈敢。習成如自然。
况以疇昔好。欣欣樂所天。但知公子愛。何來繩法愆。
石缺尚可磨。秉質原貞堅。中心益自悼。紆曲無由宣。
小德詎云可。出入將誰原。隆恩不可恃。三復鳴鳩篇。

古意二首

有懷獨長嘯。無人誰共歡。念子隔河漢。清商聊自彈。
悟言愜千載。凌空乘紫鸞。耿耿幾轂烟。松風吹暮寒。

又

亭亭山上松。南北幾千步。一絲渺微塵。來往枝巔度。問此亦誰為。精靈自吞吐。欲以贈離居。濛濛薄烟霧。

魏惟度曰二詩古雅
絕倫無烟火氣

壽江如僧

大道本寥廓。人世殊未然。不知何年代。飛下玉京仙。纓紱等蟬蛻。馮虛乘紫烟。沆瀣以為糧。金枝以為羈。手持石室書。來往安期間。以我塵俗姿。驅車未能前。

願假羽輶風。晞髮咸池巔。盧敖與若士。相期結大年。

晚起見雪

曉起望林薄。曾不似人間。無復一塵擾。祇覺萬形閒。芳鮮覽奇樹。誰為一躋扳。憑虛還借問。莫是藐姑山。

魏惟度曰不即不離紛
紛曉雪如在目前

冬天未曉枕上作

忽忽天未明。衾暖還一瞬。吾體既已閱。吾神亦無忤。細繹古人書。心坎時自記。溫溫春沼魚。霏霏隴頭穗。

卽此是羲皇出口便辭贅

黎博菴曰生機路也
魏惟度曰一落言詮便非真諦妙妙

訪江如僧廩山却寄

懷君切夢寐。曩屢步屨關。瞥然得一見。相慶好容顏。
頰紅鼻端出。清白眼中環。聲音何侃侃。容止復閒閒。
清談拂雲漢。文字相褒彈。樂餌過客止。具草故人餐。
期我今日名。勉我後所難。握手遽言別。重約更躋攀。
一步一回顧。雲封姑射山。

讀宗侯千里先生似陶館集

對案翻玄帙。悠然見古人。不知何氏代。但覺絕囂塵。
灑洒花風夜。彈琴桑樹春。心清疑入夢。韻遠自傳神。
曖曖田居樂。依依故里親。冥虛乘化外。吾欲來問津。

魏惟度曰疑字妙尙未到夢境心清者知之
張孟常曰詩亦似陶

春日同黼調。在訪涂子期。端木香山是山禪院

正殿及佛像碑碣俱前代。製作古意動人山

中光景頗有幽致。子期笑謂他年當同老。此

山因爾成賦

今日天氣明。環山過之子。相見便相懽。問何好文字。
古殿足行遊。古佛同瞻企。兩碑立廡間。落落刀痕媚。
幸無風雨侵。日久苔紋翠。遠矣古之人。一事千秋計。
嘗言魯靈光。茲寺亦何異。遠峰旣迴抱。茂林足清戲。
瀟散無一事。相對成知己。他時老此中。結屋絕來軌。
冥心一造化。願言自今始。

到華山曉起見雪

遙望華蓋山。高出芙蓉削。逶迤二十里。纔得見林薄。
石殿倚嵯峨。羽士巢居若。焚修虔致詞。但覺吾身惡。
曉起看巖巒。霰雪紛紛落。定是吹笙人。乘空駕鸞雀。
瑤草與瓊花。彷彿長生藥。襜襟貯所贈。神仙良可作。
與公望讀書華蓋。余窓外有綠竹。森森一似衆。
君子肅然在前。令人起敬。因賦與公望。

山窓旣絕塵。萬竹居要妙。壁立自森森。穆穆真同調。
鎮日向人靜。微風時一笑。亭午曜靈舒。綠葉還相照。

聽竹上雨聲

竹裏足行吟。已覺春雲覆。半日坐窓中。微響非云驟。絲絲誰與勻。齊落無先後。若乍撫朱絃。不禁玄心逗。

登金船峯

峯與香山相連。雲霧濛濛。風雨不休。輿人

鼯拾級。峯亦不復相難。因有作并懷香山。

無情有情可謂妙峰

兩山自連綿。勢各相回顧。就中有怪物。日夜生雲霧。

風雨出林稍。村田幸時作。音天為萬物托群飛。信云

怒。

六月初三日出山留別諸子

夜雨洗青山。朝來壯行色。烟雲互吞吐。靈變非比測。此中有造化。相觀唯泯默。朗朗如若曹。吾言良可弋。

舟曉懷公望

膊膊鷄初鳴。萬物有動意。明星向東出。曉月行看墜。魚舟上下來。伊軋成清吹。因想城居人。欹枕還猶睡。

聞鷄

吾性素呆拙。群處不厭喧。唯厭雌鷄聲。閣閣令心煩。
雌鷄纔閣閣。雄鷄更軒軒。此鷄聲甫息。他鷄復叫園。
雄鷄聲益高。群鷄互相援。聽久對之倦。假寐求蝶翻。
何處來啾啾。鷄多長兒孫。或欲告主人。遣鷄無屬垣。
吾性素懦軟。今樂從茲言。尋復有一說。雄鷄亦可原。
每到五更啼。將來清夢魂。雄鷄既有功。餘鷄亦聽存。

楊集虛曰讀聞鷄篇得大將用人之法真不必人人有功也

題夢瀑壘爲安仁宗侯

廬山幾千仞。屈注來天潢。銀濤半空瀉。日夜流湯湯。
西爽有畸人。節氣凌秋霜。筆縑五色絲。濯錦成文章。
對此有遠意。泛舟欲褰裳。字之以瀑泉。鐘鼎生輝光。
振振彼公姓。留硯雲烟香。高懷識夢寐。事存不復忘。
清壘無纖塵。匹練相飛翔。吾欲賦柔翰。崱崱詎能詳。
垂翅歸里飲。涂仲嘉嘯園。

微名在都門。三年遲未得。菊花如故人。依然好顏色。
灑酒問東籬。人世真鷄肋。我醉自陶然。此鄉真彭澤。

贈別涂仲嘉

明珠出鮠。桓其光照天地。精神本自然。物理非可意。川澤為效靈。塵浣不復漬。璀璨百華生。席珍詎云媚。男兒多感激。恍壯吐奇思。身為萬物主。冥極豈一事。值此明盛時。涉川無不利。何以慰所思。三月熒河字。

黎博菴曰

高談

夏日

日光照四隅。睡眼猶未適。勉起自梳洗。手足如荆棘。

朝舖卒然至。對案不思食。還坐竹窓中。清夢仍歷歷。

六月坐江觀其書。坐未見黃伯墳

與子坐竹窓。推窗日正午。臺上草芊綿。風來紛起舞。隨意弄筆墨。靜對香一縷。清話何悠悠。故人未全聚。

魏惟度曰。靜對香一縷。其人斯在。

讀涂仲嘉情詩

李卓吾讀拜月亭記。謂其為友必信。其為臣必忠。仲嘉具千古才情。何事之不然。余讀仲

嘉情詩。泯泯乎有合也。明月正秋。商飈薦爽。

緬懷故人。非隔河漢。小詩一首。可令熹事小。

使歌之。

長卿賦長門。情語流千載。年年玉階草。春風吹不改。因思古之人。淚去班痕在。世路等悠悠。高節亮無悔。

仲嘉數對余言。嘯園瑞蘭盛開。乃身在客邸。不

能不思。仲嘉可謂有心人也。因為賦之。

瑞蘭思客邸。此情早動衆。翠榦喜發花。春心誰為送。

芳香暢遠懷。良夜通幽夢。秉翰寄來馨。箋詩但吟諷。

游中州有懷

篁。篔有妙音。非指不能發。獨遊固自佳。含香未芳烈。深竹向人靜。遠想將誰說。若逢所思者。欣欣滿林樾。

楊集虛曰。興起妙竹向人靜。只在一深字。將誰說妙說得處。便非遠思靜極自知。

同余岸少昆垂相對道院之作

兀兀有淡意。閑語將無同。坐久不知暑。道院生涼風。烹茶灑清潔。濡墨思鴻濛。三人各相笑。蟬鳴高樹中。

楊太容曰思鴻濛則羲皇上人矣蟬鳴高樹中以下不添一筆令人悠然遠想

涂不疑不害招飲同涂子期鄭龍如鄒逸少諸

君席上作

曠懷蕩秋氣秋色正相鮮復爾故人酌相約盡時賢
微辭發幽姿清歌何綿綿長筵美修夜華燭吐清煙
男兒重功名意氣凌高天慨慷論王事誰便其田園
寶劍三摩娑將車持向前不見浣紗女一朝乘翠驂

張孟常曰此詩可入顏謝不落徐庾

寇平代作合邑建醮文疏有賦

天日在人中人在天外未雨勤桑土八鴻如襟帶
神恩固浩蕩人力詎茫昧願同大眾心妙香結成蓋

別陸慶文

僕本遲鈍士疇昔事詩書飛蠱時一獲坎壈聊自娛
何緣遇佳人欣欣無復疎時正當炎暑冷然清風俱
新篇恣玄賞良月集宵虛頻行折芳蘭此意應相如
歸舟對雪書與公安

翺翺遠岫薄離離樹葉新。乃知古人意白雪歌陽春。
江空隨處落推蓬點向人。無繇得餉酒對子足娛神。

魏惟度曰良儔對雪已是妙景况江上乎即無酒亦佳也

寺門外看竹笋英英有懷端木

正爾懷之子翩翩年少人。肝腸無宿物咄咄盡皆真。

文字江河湧高懸日月新。讀書共茲山相去若比鄰。

有酒喜相見或貽先生嗔。時端木執經江公遜門下獨酌不覺醉。

寫此聊目申

黎博菴曰詩中竟無寺門竹笋妙極

東曦姪相過有作書似東曦

正愛此風日之子來英英。後庭張几席簾影地文生。

隨意傾筐皮悠然見道情。不知坐闌闌伊喔午鷄聲。

魏惟度曰悠然見道情快極兩人心緒俱說不出

作續經國十書成有賦

一言蔽三百十書良已多。是誰爲之續母乃令人訶。

男兒負忼壯握管如操戈。犀兕不復有棄甲將如何。

黎博菴曰
妙寄

上元謠同涂仲嘉對雨

遙遙幾千歲。眇眇隔河津。今茲得見母。再拜桃花春。
所言天上事。不出世間人。問母亦何言。母云難具陳。
丙子秋日送涂子期北上

丈夫志四海。不與凡近同。非敢好爲異。求無慙厥躬。
六宇雖多事。未云吾道窮。器久自生蠱。謹始貴圖終。
上有聖明君。初日正熊熊。有君必有臣。天高飛鴈鴻。

偷安非所宜。操切難成功。曠懷若之子。移孝卽成忠。
放情千載上。直欲窺鴻濛。黃鵠無近迹。耿耿凌高空。
矢志在疇昔。今出益崇隆。彼我真同調。水水因相融。
所信惟一心。人事如轉蓬。乘時各努力。誰雌而誰雄。
涂仲嘉約過望秋雨同涂不疑不害賦

之子悵秋意。相期舒曠懷。陰雲四面合。疎雨洒清壘。
樹葉蒼蒼色。未便響空階。時事尚可爲。誰言大道乖。
當國有奇謀。無勞爲差排。事苦則慮易。杯酒歸吾儕。

黎博菴曰一飲亦有志氣在

賦別黃石齋師

春風吹輦路。高樹聽啼鶯。內召需明哲。賢勞景泰清。
姑山成黼黻。盱水濯冠纓。國士銘知己。編氓慶力耕。
園扉暢茂草。方域得長城。勒石千年事。拔轅闔郡情。
天門占氣色。海宇賀昇平。擗管龍墀上。軒軒賦兩京。

魏惟度曰不愧師生

和黃敬授來韻

有引

相望室廬。眇矣烟霧。既殊麋鹿。自爾雙遐。捧
什具知。可深明問。若耶好女。知入夢而非遙。
紅葉籬門。撫盛容而自惜。再三諷詠。但有感
想耳。聊酌來韻。更有唱予。

昔有宿瘤女。至老猶未嫁。一朝自上書。齊國因之霸。
雖云承後寵。坐失當時價。何似苧羅人。浣紗正閑暇。

張孟常曰絕似古詩

翻書志喜時傳勦寇得勝

竹窓每扼腕。禦寇常苦兵。總聞士氣壯。便覺文情生。
翻書如見日。燦燦盡光明。憑誰敵王愾。千秋存令名。

丙戌避亂山居

日坐小樓上。床席居其半。更有閒家具。塵雖如灰炭。
老妻從旁績。提筐礙手腕。長日信難度。時復展書翫。
天雨時加濕。天晴光散亂。老妻因問予。君得無撓擾。
予笑謂老妻。如處鵝籠中。身亦不加大。籠亦不加小。
老妻笑謂予。君言將無同。八萬四千座。寧復見鶩籠。

張孟常曰趣

絕韻絕

蛩聲吟夜風

晝長倦嘯歌。暑氣侵林薄。向夕來涼颺。真誠在丘壑。
嚶嚶草際鳴。定知物情樂。吾亦何所思。聞吟恣寥廓。

小竹

村居一席地。小竹數十箇。翠葉密如織。日影微相過。
兀坐此終日。心口時相和。羲馭若停輪。未便從西墮。
日長雖可愛。何處羲皇卧。

萬物

萬物俱自然。無聞功與息。苦瓜繫栗薪。恣意任所存。苦瓜不知德。栗薪亦無功。二者於何代。太古之鴻濛。

小山

小山聊避暑。幸與之子同。好友復言面。相樂在其中。微颺時一過。眾葉互為風。起止亦無定。何處問雌雄。

秋日同子期公望黼調泛湖西征之作

輕風送遊子。盡日見湖平。水漫開還合。堤長斷復生。

連天秋草碧。盪日浪花明。匡嶽中流現。西山隔浦迎。鸞窠依霍渚。客艇亂漁罾。縹緲伊人室。逶迤水國程。荷香知路迥。境靜覺神清。若輩俱同調。何當共北征。

魏惟度曰得泛湖之神

踏鐙

燒鐙聞處處。樂事聽人招。暖氣氤如霧。懽聲響若潮。巷僻人偏隘。春晴路不遙。燭花開四照。爆火徹通宵。話久欷。紈扇更深冷。玉簫升平真樂事。相與祝神堯。

魏惟度曰六朝名手不復高下

午露堂讀書同涂子期賦書正吳令平

堂係吳茲勉先生別館令平其公郎也

提書共之子。析義破幽玄。春風閒索笑。夜雨夢相牽。
劍老求新法。髯枯理舊禪。探奇繙帙肆。攬勝問林泉。
往事消殘酒。餘香起暝烟。祛疑陳局變。滌蠹古文鮮。
競爽難為敵。孤行各儼傳。靈心妙千載。相與證時賢。

魏惟度曰刻劃顏謝

上巳日同涂子期脩禊有懷堅白宗侯劉君安

倩

三月正三日。言從憇茂林。飛觴臨水際。染翰序山陰。
絳棗浮青溜。頰魚映碧潯。登堂還敞罔。望遠獨蕭森。
公子居寅亮。畸人秀卯金。褰裳神早就。識路夢相尋。
雨散前時事。波沉此日音。忘憂樹背草。有德壺朋簪。
縹緲春雲暮。迷離芳樹深。甫田多雜莠。幽怨在鳴琴。
一日信為別。三秋寧自今。溪流如可訊。寄此握蘭心。

蟻路 有引

凡蟻必尋一王，然後成其為蟻。古樹陰岑，指大白路一條，一望無際，就視乃群蟻往來之路。繩鋸木斷，水滴石穿，言夫從事之久，為可畏耳。今謂蟻行竟成大路，其誰信之？想其年歲日深，用力之勤，衛王之苦，竟有人所不能及者。古謂蜂蟻識君臣，信矣。是不可無賦。

環山多古樹，蟻路成通衢。髮直無迂曲，繩長聽履趨。

不知何年代，奉主若魚鳧。驛舍依林翳，車徒轉輓轡。君臣雖異類，朝貢若中區。翼衛皇居壯，尊崇帝輦殊。烏道通鄰國，牛關護王都。莫謂蚍蜉小，精靈見廟謨。

恭博菴曰：此詩有諷刺，得其解者，且暮遇之。

有所思行

黃鵠東南來，啣將郎寄書。婉轉讀郎書，知郎體焉如。俠骨風霜老，長途歲月舒。神情今好在，相見定如初。

蕭源

小辭靈具

一。此。尊。崇。帝。尊。初

一。車。封。轉。轉。轉

榴館初函集選

卷之九

黎陽楊思本因之著

晉安魏 憲惟度

西昌黎元寬博菴選評

盱江張世經孟常

門侄孫日升集虛編輯

侄孫日昀太容較訂

七言古

宜春歌

今年元日最宜春。日暖風薰共着人。紅樹霏微分氣色。柔條旖旎出精神。立春七日爲人日。華勝梅粧相對出。父老傳聞方朔書。晴霞預報豐年吉。纔過一日天忽寒。分得楊花滿路看。子夜何人歌白雪。明朝風暄一時乾。山城十日起鐙市。雪霽西巖春月美。暖氣蒸成霧滿空。絲絲雨到三更耳。醒來欹枕夢難憑。却怕東風不放鐙。曉漏頓銷寒竹淚。日輪依舊晃觚稜。

溪山晝踏烟光好。挈酒尋花春不早。時有幽人共往來。行吟占斷長堤道。夕陽花塢月來時。逐隊燒鐙早見之。畫鼓金鉦喧塞路。板橋迎處亦逶迤。烟花爆火旋空繞。取勝爭奇看未了。須臾別去又相逢。惟恨嚴更天易曉。迎鐙散後興無涯。取酒相過共一家。合坐滿堂多喜色。飛觴競勸各誼譁。取次呼盧歡未畢。亂打鐙毬誤相失。酒酣耳熱漸停盃。鏤綽紅牙相甲乙。興闌歌罷各回還。剩有紅紗若內頒。臨岐似醉還非。

醉同人相約問青山

楊太容曰極春情之樂
令人却憶太平時

桃花

園內天桃照綺窓。園中少女復新粧。天桃少女顏色
變長坡走馬車輪轉。啣栝日落暮風吹高燒銀燭照
娥眉。

魏惟度曰
遊春詞

臘月同包叔賢涂子期姪公望踏雪南郊

天姥玉塵三萬斛。飛向梁園蠹寒竹。男兒吐氣作長
虹。共酌花磁醉醞醪。衝風出騎遊南郊。枝高拗折梅
花梢。不辭傍人笑墮馬。拾得明珠還亂洒。

張孟常曰大似李長吉
集虛曰長吉氣促此尚詞謔

元宵後一日同璩爾助陟曦諸君子飲石波館

東風吹起曉雲夢。盡日間將心事送。輕衫紈扇競時
流。嬌歌橫使神情動。誰家池館共流連。玉蘭開作散
花天。對酒看花忽狂叫。將來澆向趙州前。

十月桃花歌為劉方平母李孺人七十壽

王母瑤池春不缺。日日吹花落紅雪。劉郎移向東風
結。劉郎去後音塵絕。桃花一年又一年。孤燈七十照
青烟。玄霜搗就小春天。鵲鳥啼來獻上仙。

魏惟度曰仙風道

骨珊珊筆端

鬱金堂古意為鄧遠遊先生賦

層。疊。山。飛。雙。鳳。凰。夾。江。流。水。浪。花。香。百。種。春。雲。生。雉
蝶。萬。家。秋。月。照。銀。床。春。雲。秋。月。情。非。一。朱。第。樓。臺。相

對出也知勝地稱奇絕。把似名都詎相失。名都何處
鳴珂里。鬱金樓閣天中起。畫棟嶙峋朝霧黃。繡闥縱
橫。暮烟紫。歲蕤錦幔掛層檐。每到花時盡捲簾。曲室
透迤誰得見。却傳一線度銀蟾。瓊毬匝地春光好。別
有幽奇難比道。織作鴛鴦影。便雙結。就芙蓉香不老。
欣逢曉露不曾難。雕甍時得舉頭看。當街齊種三珠
樹。覆道同粧卍字闌。中霄紫艷如銀燭。蕤姬趙女旋
粧束。已知精舍盡藏書。別有閒軒留度曲。樓頭極目

是誰家隱隱明窓映碧霞。妖童指點啼烏樹。侍史爭傳來鳳花。復有幽軒臨玉署。六月寒風自來去。怪來一室獨妍和。火井溫泉似同處。就中臺榭絕雲高。却畱觀望廣陵濤。八月靈槎誰共泛。天風分落紫雲墩。碧雲呵護常如綺。中有僊人馮玉几。姓字留香勒簡書。閱閱論功著青史。記得慈恩方少年。長安寶馬珊瑚鞭。揮毫字字流珠玉。顧曲翩翩醉綺筵。彈琴出治分吳越。處處留花芳未歇。兩河赤子澍甘霖。三輔黃

圖光日月。滇南一道遠。瑤京璽書直。欲待親行繡斧。已教常向化。朱旛何事復。論兵幾載離家歸。未得板輿好在長相憶。還轅得奉聖人書。爛斑喜見親慈色。卽今官詔復來催。况復仙童嶺上來。漢主玄霜和露吸。魏王金屑向人開。憶昔桑田變滄海。麻姑一會方平在。忽經陵谷又千年。獨有長松春不改。長松不改日嵯峨。十月桃花照綠波。是處傳杯還設宴。等閒看舞復教歌。只今宇內交遊遍。稱觴半是金閨彥。碧月

裁成白雪團花風吹上紅霞茜夜來春曙酒初醒王
氣青葱出鯉庭寶樹謝家真俊物青箱王氏太寧馨
東風喚起青絲柳綠髻朱顏爲君壽擲管從來不讓
人笑看金印還如斗丈夫意氣本凌雲多才復遇聖
明君已見贈金來太尉又傳賜第到將軍將軍賜第
鬱金堂鬱金堂上鬱金香輕車行酒馬行炙挾琴調
絲方未央

池頭柳

春風蕩漾池頭柳揉作金絲春未久春水吹成萬丈
波却教疊疊捲春羅誰家春女池頭立春眼見人回
不及急將春袂掩前粧春波暗射脂粉光岸上春人
自來去驚鴻走入春深處春深何處畫墻高春鳥飛
來叫百勞春閨有人長嘆息絲絲春雨同愁織春花
妬雨不成芳茸茸剪出春草香春寒陣陣人難睡春
酒將來仍未醉朝來春日射高樓手持春扇盪雙眸
處處春園生嫩綠春暖困人看不足春光鎮日在誰

邊。幽。閨。長。是。怯。春。眠。冉。冉。暗。催。春。漸。去。香。箋。歷。亂。題。春。句。春。燈。結。作。同。心。花。憑。將。春。夢。遶。天。涯。

楊集虛曰二十八春字用得無痕跡是其筆靈

東嶽別業古意

往余與鄧壺丘先生游。杯筵歡笑。罔不相洽。余爲拈鬻金古意及芙蓉樓賦。先生深相推許。謂此何減古人。是時東嶽別業方成。亦嘗與先生盤桓其中。彌飲竟日。然締構之初。未

若今日集其全盛也。次公聲子。雅敦宿好。復同臭味。每謂余不可無作。余心識之。丙子春日。偶與家東曦閒踏。周回芳榭。眄眄亭柯。念哲人之音。徽覺山河。其未遠。因爾成賦。

東風吹動長河柳。裊裊牽絲縮。垂手誰家別業在東。嶽。是處遊人相望久。當關一閣最高頭。開窓直射水。長流。六月松濤。齊入耳。懸空清耿。風颼颼。散步循墻。知幾里。匹帛。叢花未云擬。澆翠亭深坐。竹林未到亭。

中但遙指深溝。一路遶門前。山溜泠泠。春水鮮片片。
桃花飛入水流。雲何處問神仙。到門但覺諸緣息。一
軒弘敞當心直。開光如月任長圓。清省餘閑暢胸臆。
回廊屐步見高臺。高臺鬱鬱池中開。橫使美人臺上
唱。響入雲端吹落梅。登堦上堂早飛越。面面紗窓細
如髮。窓中對射畫環奇。掩映松風與蘿月。松風蘿月
自年年。淡雲微雨養花天。向內數楹堪靜寄。幽蘭吐
拂如清烟。軒窓盪人難盡覘。走入浮園最深處。園丁

酌水沃盆花。花上遊蜂任來去。遊時正值春風寒。凭

實境。寫得出。便妙。

欄偃曝自相安。架上葡萄猶未綠。却留朱實異時看。
轉入一堂還隱几。掛壁名文看未已。幽深鳥語白關
關。閒想芾雲見朱紫。堂前一樹古嵯峨。石甃周遭可
坐歌。地勢既高見江水。却言園內流清波。清波日夜
流無歇。遙憶美人音塵闕。清緒如絲寸寸抽。織成春
錦何光滑。當年賦就鬱金堂。春風歲歲錦囊香。今日
園中儼相對。餘歡未已清歌長。

魏惟度曰是蘇長公
一篇小品文字

惜蘭

花開不畏折。慎莫折其枝。一枝二枝猶自可。四枝二
枝非所宜。况復盡情俱拗折。花若有知。花見菑。乃知
凡花亦有命。造物安置各參差。廣殿何人窺。得到高
臺遠望徒相思。亦有幽軒恣流賞。美人紉佩爭相貽。
清酒數行花爛發。一枝一葉相扶持。子夜歌殘香露
滴。深閨夢醒清風吹。何似此花偏獨苦。韶顏頓換奚

爾爲

黎博菴曰詳說他處之好則此之可惜不待言
魏惟度曰說得惜字剴切則風人之情傳諸紙上
矣

榴館初函集選 卷之九

黎陽楊思本因之著

晉安魏 憲惟度

西昌黎元寬博菴選評

盱江張世經孟常

門侄孫日升集虛編輯

侄孫日鼎太容較訂

五言律

遊嘉和飲魯體元書室

相逢春日好。共醉百春堂。箏度隨風曲。花迎帶露香。
戲魚清可數。歌鳥狎相將。復有西園奏。客心誠未央。

又飲接龍亭

主人歡未已。攜酒復登亭。層閣平飛影。空櫺動吹聲。
群薺遠樹出。一葉小舟輕。敬客如公子。留連盡日情。

懷僊詞為江如僧作

幻跡嬰塵網。神棲五嶽圖。拈花時自笑。控鶴向誰呼。

白石談飛動。玄珠問有無。君今早婚嫁。遲我在蓬壺。

魏惟度曰飛動二字是快談處

贈李仁所 和州人

之子聞名久。相逢惻識荆。青蓮吾敵國。白雪獨長城。
湖海尋奇跡。烟霞問友生。草玄何日就。壇坫幸同盟。

魏惟度曰贈詩不俗是其筆性

必大約同明日郊飲枕上聞小雨有作

夜醒諸喧寂。絲絲聞雨聲。海棠根蒂好。蛺蝶夢魂驚。

沾屐知無意。催花實有情。曉來姑約住。提酌聽春鶯。

觀梅後一日看迎春

明朝葭管發。今日便宜春。似醉街心樂。如烟市上人。
紅花粘處好。彩仗拂來新。不用觀梅樹。行吟處處春。

贈涂約泉

為大人醫
目有驗

吾父同年友。相歡有約翁。少游滄海上。老息貝多中。
玉杵棲玄兔。金針撥絳龍。沙成高磧在。早晚見三丰。

魏惟度曰五

六一對

揭君過訪并攜所集

半面曾相識。今朝瞥見君。牢騷人自韻。忼慨賦無倫。
往蹟風烟老。前途歲月新。莫愁知己少。千古足娛神。

聞國喪有感

享國先皇久。輿圖獨壯哉。長年瞻望在。今日哭聲來。
塞北風煙苦。江南草木哀。新髯隨處滿。無因一徘徊。

楊太容曰苦哀二字盡有感之情
風人心緒正以不說為佳

雙壽吟

雙僊騎雙鹿。言從北渚還。瑤池同宴笑。天闕共躋扳。
歲月留金石。乾坤問海山。千秋濺靈液。對酌壽人間。

羅曰常過訪有賦

閉門無一事。細讀古人書。單車客何至。被服亦自如。
張目薄時輩。咳口譚邃初。酌酒一言別。烟月共蕭疎。

賦別璵陟曦省親博平

見說官衙遠。驅車每計程。陪京曾識面。遠驛舊知名。
盡意隨時出。詩情一路生。淵源接家學。早晚謁承明。

看行春

仙子行春日。花風便着人。馬頭添氣色。輦路出精神。
暖吹凝香雨。歡歌結彩雲。年光隨處滿。無地不宜春。
季夏與璵陟曦看月石波館小飲有賦

余自仲去後。年已及期。未嘗得半晌歡趣。間亦狂歌痛飲。人或謂余樂。寧知政。余寸寸腸。斷時也。偶扶病過石波館。與陟曦留連竟日。亦復無大意。况傍晚蘿月當軒。好風時拂。令

人道然自喜。兩人或坐或起。或穿曲徑。或遶
幽林。或同歌。或共話。不覺病體之蘇。陟曦因
命酒大醕。遂爾成賦。

名園不復暑。隨地笑嬋娟。卧影花還動。凭闌扇已捐。
細蟲當急管。奔溜寫哀絃。此際自宜飲。公子復留連。

魏惟度曰。後半小序絕妙。一記詩補之。尤稱快作。

早春同江如僧舟行

今日同舟處。芳蘭出淺汀。不知人共韻。但覺話偏靈。

山意隨雲淡。波光照眼青。提杯如有思。相對記曾經。

楊集虛曰。五六句是舟行得意處。

又訊如僧

日日凍復寒。瀟瀟共途次。春光喜漸臨。山色還如曠。
野店暫時棲。村醪聊一醉。問君意何如。定有生花字。

魏惟度曰。山色如曠。是一幅美人圖。正于春光漸臨時見之。妙在一還字。

到家喜晴

南望家山至。遷延半日經。只今風變暖。便覺草回青。

遠樹如新沐。嬌花恰半醒。芳春隨處是。况復鳥堪聽。

魏惟度曰：嬌花半醒，令人欲死。寫晴景入微。

立春贈林明府

玉琯吹春日。歡歌處處生。槐庭鶴影瘦。花署篆烟清。
雲洒神靈雨。風和衆妙聲。中牟推第一。蘭省競時名。

舟行曉望示涂子期吳懷璞江公遜

曉起覺情洽。推蓬百態生。淡烟繚霧濕。微雨蘸波晴。
花發江南樹。春生水國程。諸君興不淺。灑酒共啼鶯。

魏惟度曰：中唐佳作。

望湖

徹夜只聞雨。添來湖上春。波澄開鏡爽。風細捲簾新。
弱柳高唐窺。輕烟巫女神。誰家臨宛在。遙望拂埃塵。

黎博菴曰：此亦歇後語。

飛榭為堅白宗侯賦

馮虛攬寥廓。宴娛集群仙。曉霧半空雨。春城幾點烟。
緱山清吹落。魚嶺嘖音傳。接待千年事。題書青鳥箋。

春夜集劉安倩宅喜逢敬授方叔二王孫暨杜
以晉分得雲字

剪燭同春夜。劉安本好文。幽蘭絃上曲。勝友坐中雲。
名喜通曾識。詩爭傳未聞。故人自千載。天寶日芳芬。
舟中讀書

方舟恣流覽。縹緲若乘空。肆目存疑始。千秋有泰鴻。
塵纓濯清渚。芳芷薦春風。賦就擲溟渤。天河路可通。

黎博菴曰氣象不凡

見芳草

杳杳長堤路。悠悠芳草生。望斷楚天碧。思索芍藥情。
佳人應拾翠。王孫自得名。若教還醉臥。誰謂夢猶驚。
立春前三日同涂子期端木飲涂仲嘉嘯園主
人既爾皎然。復積雪相照。因賦

今日二三子。相逢暢所思。園高風色敞。人淡雪華滋。
灑洒迎春氣。將花助妙辭。後人誦千載。穆穆正如斯。

黎博菴曰雅意而有關詞

主人不倦客洗醖醉春陽燭向更深剪花從靜處香風吹蘭葉暖雨喚柳條長聽漏呼童子猶言夜未央

黎博菴曰入禪

同象賢公望黼調登蛟湖嶺

嶺路出蛟湖引領望天末青松夾路生斑剝蒼虬活不見此路長但覺雙眸豁還顧二三子亦何有饑渴

題黃尹公畫卷

十幅琅玕紙千年罨畫詞美人見雲氣遊子惜花枝

雨落高唐暮珠投洛浦時蘧然春睡覺蝶夢更何知

黎博菴曰通體皆靈

元旦試筆有懷家象賢昆季涂子期仲嘉端木

諸君

大好新年意春風舞向前翻書多氣色擗管自聯翩蘭叶家人夢香生桂樹烟同儕俱郢調走力問詩箋

楊集虛曰元旦日翻書妙矣多氣色三字從元旦見尤妙是真識書人

春日聽柳若歌期會重五

生平愛音律。值此天中陽。偶借狹邪路。誰分脂粉香。
清歌祭玉宮。流雲生洞房。此情良不迭。約醉湘君傍。

歸舟

客久歸思切。登舟喜順風。晴和春日好。天高鳥路通。
塵襟浣江水。心事盪虛空。因思旅寓雜。今日脫樊籠。

歸舟望前舟

有引

初二日祭舟。夜雨。初三日早起。見羣舟競進。
張帆如畫。殊有靜意。

漫漫大江水。微風向上吹。不見群舟動。但覺孤帆遲。
雲餘昨日雨。樹濕早春枝。朝飧不欲飽。處處着人思。

楊太容曰八句中俱要想出靜意

長晝倦藝。磕磕欲睡。夜闌人靜。較得些子有作。
永夜此孤坐。鼓聲動麗譙。白日移向牖。清輝來見招。
人靜不復暑。扇閒時或搖。忽忽作遠想。暢意非無聊。

感時雜咏

宵雅歌六月。駉駉四牡行。出征佐天子。深眷擬西京。

時雨消戎馬。涼颺薦綏纓。男兒自忠義。非邀麟閣名。

黎博菴曰此大事而求之時雨涼颺亦無可如何之至矣

榴館初函集選 卷之九

黎陽楊思本因之著

晉安魏 憲惟度

西昌黎元寬博菴選評

盱江張世經孟常

門侄孫日升集虛編輯

侄孫日鼎太容較訂

七言律

王孫招遊會仙巖不及意甚恨恨因賦

東望靈山覺路漫。干霄直上見流湍。陽回黍谷春猶暖。潮轉松濤夏亦寒。橫使雲霞蒸絕巘。遙分烟月聳孤巒。山人顧是陶弘景。採得璫枝獨自看。

游從姑

探八窮奇盡日行。岩巖幽閩此初經。苔痕不辨龍蛇字。松徑時聞鸞鳳聲。陟巘便疑登九野。臨池恍覺踏層冰。步蟾石上堪留月。還借銀河瀉玉瓶。

魏惟度曰恰似隨州

別古白

提得吳鈞拂去塵。今朝相贈有心人。千秋節義歌存趙。一代文章嘯劇秦。暫借酒懷消礪硯。何當詩句發精神。陽關唱別尋常事。今日珠哇作好春。

楊集虛曰雄健激楚令人想見古白

題宗弟全心行樂圖

翩翩年少錦衣紋。會有名花自不群。秋月有人歌白

芎春風得路看青雲

圖中并繪其姬人及青雲得路故事

提來寶氣成

千丈添得龍文已十分為問何人工寫照金門滴漏

更逢君

憫簡叔左遷

三尺龍泉掛草廬刀頭繡澁漫嗟吁春風自合臨天
表夜雨何當泣海隅士不長貧誇薜蘿功收末路看
桑榆男兒慷慨無窮事長笑人間學散儒

魏惟度曰學道人語多神

悟所謂觀破一切者

哭三君詞

有引

五叔抱青雲之氣六郎標玉樹之英毅夫子
先哲萬繩後來峰岫俱屬同高祖誼契詞宗
亡何一旦相次淪物人命朝露能不悲嘆偶
吐寸辭少舒百結知無當於死者聊用告語
同人

枕孔生涯白日同黃梁未熟拚西東筆花有恨空留
穎墓草無情結作叢三子夜臺凄暝鶴幾人秋渚泣

離鴻尋真欲解空花偈怪道山陽笛裡風

鏡歌

鏡歌吹動柳條新繡斧行邊社稷臣開閣遠臨天漢
淨建牙遥護帝城春烟銷翰海回兵氣日暖晴沙洗
騎塵見說天朝須翊贊却將顏色照麒麟

黎博菴曰雄壯似少陵

早春同涂子期舟遊

輕舟早與故人期哈哈鶯啼柳未垂兩袖乘風飛欲

去片帆將雨坐來時村醪對酌渾無語短拂閒揮若
有思歸騎欲嘶春不盡草薰花暖日遲遲

黎博菴曰體氣高妙魏惟度曰結到早春有言外遠想

元日立春

元日春臨春日長萬年天子正垂裳龍圖一統河山
壯鳳曆平分日月光共樂建寅吹玉琯遥瞻太乙誦
椒觴繇來拜獻王正月挾策同扶帝道昌

同涂子期勉公不疑君實不害諸君路鏡聽諸

王孫吹彈度曲

逐伴行歌月似銀。燒鐙不夜漢宮春。吹笙太液誰家子。擊鼓漁陽隊裏人。嘯樹仙韶頻側耳。穿雲絕調足娛神。春宵正永未堪去。徙倚還聽別曲聲。

晴湖

平湖高處見行雲。二月春明錦浪分。日射金鱗偏照眼。風吹綺縠細裁文。跳珠噴沫魚龍戲。灑雨爭飛鷺鴨群。延佇未須便歸去。桃花新見點江濱。

臘月二十七日訪江如僧於山中時城市正爾

喧鬧獨如僧了無一事靜看飛雪歸後有賦

高窠深處避逢迎。獻歲春臨喜見兄。一僕應門無吠犬。環山種樹有啼鶯。雪寒不凍先生骨。道隱惟多老佛名。半日共成相笑事。却教歸路遠蓬瀛。

楊太容曰寫得韻甚足見如僧道氣

正月初五涂仲嘉嘯園閣上同看春雨

登樓直上最高岑。春雨同看總淡心。本以雲烟生氣

色却教城市若山林。孤松側出擎仙掌。衆鳥飛翔響
遠音。倏爾劃然天欲霽。低徊時事共清吟。

贈守虛道人

蓬萊深淺只須臾。弱水難航此幻軀。客舍幸逢金絡
索。真人遽現玉肌膚。鷄聲唱月猶揮塵。虎嘯從風白
應圖。一別振衣堪濯髮。桃花最上是仙都。

魏惟度曰何必更讀南華經

涂仲嘉嘯園看牡丹

枝枝相對錦雲堂。花葉從來獨占芳。轉盼檀心開欲
合。迎人嬌面暈還香。春風得爾高聲價。朝日馮君鬪
艷陽。若在長安見此種。不教姚魏擅壇場。

楊集虛曰欲使姚魏無色視水深淺月黃昏句更無點塵

九月同姪公安子居泗姪孫東曦畫人泰階五
際次功達九共九人之作 有引

郡城善種黃鞠。開時花大如盆。盈盈帶露若
姚家之放春。陣陣留香似靈琮之薦璧。更以

綠葉成叢。青枝復勁。淡神既遠。芳姿仍抱。或
 分香而過市。或買艷而垂堂。又或妖童少女。
 剪插烏雲。更有詞客文人。欷垂玉案。事既不
 一。採亦多端。正如風墮落紅。隨其所在。乃若
 置酒名園。集賓高士。杯浮琥珀。漱灑成霞。氣
 藹醱醱。細縷十日。正輕陰之難捨。聽破帽之
 多情。又或朱鴈叫雲。清謳挾瑟。總以發其玄
 唱。酌此花神。又或逸興未闌。更難紅燭。深情
 共賞。細咏香箋。良無負此九秋。可以傳諸千
 載。遂成一叶。敬問群英。

花黃九月王精神。金剪成團絕點塵。在處等閒多插
 髻。却從風韻更生春。屏稱孔雀良堪配。色到芙蓉亦
 願臣。入畫眠雲猶未得。赭袍窠繡看來真。

黎博菴曰。屏稱二句。高甚。亦不知其為賓。見王乎。王見賓乎。

壬午春日偕東曦泰階過郡訪公安
 之子城居道隔年。却教名士壯山川。情懷一似花爭

發。倡。和。欣。同。月。正。圓。織。錦。有。人。催。曉。夢。食。華。作。客。賀。
秋。天。相。逢。此。日。皆。同。調。拚。醉。何。妨。酒。似。泉。

楊太春曰句句剪裁

直使天孫失巧

舟中感時書與泗子暨諸門姪

人。世。誰。言。草。上。塵。憂。勤。無。處。得。閒。身。詩。書。吾。輩。千。秋。
事。德。澤。天。家。四。海。春。熒。喜。功。成。聞。上。相。時邸報鹿。鳴。
期。近。賦。嘉。賓。何。當。日。夜。江。中。水。年。去。年。來。貫。閱。人。

癸未二月十六同曾旅菴竹下賦

旅菴諱弘中州人未老棄官避地盱江

春。朝。若。個。為。春。晴。竹。裏。長。談。我。與。卿。數。着。閑。棋。天。下。
事。百。巡。清。酒。世。間。情。今。朝。盱。食。需。賢。哲。此。地。粗。安。謝。
聖。明。莫。遣。中。原。生。戎。馬。惹。將。痛。淚。滴。蒼。生。

閱旅菴難民圖志哀

從。來。土。寇。也。如。林。豈。意。年。來。太。不。禁。不。忍。看。圖。真。地。
獄。却。教。何。處。問。天。心。因。循。釁。釀。河。山。大。苦。痛。人。同。歲。
月。深。宵。盱。久。知。廊。廟。意。憑。誰。親。佐。五。絃。琴。

黎博菴曰此定可傳
即旅庵與俱傳矣

喜內弟宋若至

經時匿影自丘園。風雨清和總上恩。沙際鳧雛欣傍
母林間竹子笑。生孫每因時事無清况。幸喜親知過
遠村。竟日隨緣相對坐。草蔬慙愧乏清尊。

看插苗 右引

小雨平疇微波掠。蕪慶農事之伊始。見苗葉
之菁葱。天地於是彌寬。襟期為之益曠。喜而

成賦

蕪掠微波稱耦耕。苗根苗葉若為清。臨風嬈嬈平疇
出。照日英英萬象生。計日數時看秀實。歛幽擊鼓咏
公卿。任從百草紛披綠。不及蒼生願結成。



